

Na osnovu člana 90. Zakona o javnim nabavkama BiH („Službeni glasnik BiH“ broj 39/14.), a u skladu sa Odlukom dekana Građevinskog fakulteta Univerziteta u Sarajevu o direktnom sporazumu za pružanje usluga: Usluge vremenskog zakupa računala/printera broj: 04-1-8-8-5/21. od 18.02.2021. godine,

**Građevinski fakultet Univerziteta u Sarajevu, Ul. Patriotske lige broj 30,** kojeg zastupa prof. dr.Samir Dolarević, dipl. ing. građ, Dekan (u daljem tekstu: **Naručilac usluga**)

i  
**“VEGOS” d.o.o. Sarajevo,** ul.Patriotske lige br.30/I, kojeg zastupa direktor Goran Selimović, ing. građ. (u daljem tekstu: **Izvršilac usluga**)

zaključuju

## **UGOVOR o pružanju usluga vremenskog zakupa računala/printera**

### **PREDMET UGOVORA**

#### **Član 1.**

Predmet ovog Ugovora je pružanje usluga vremenskog zakupa računala/printera za Građevinski fakultet Univerziteta u Sarajevu u 2021. godini, prema Odluci o pokretanju postupka javne nabavke usluga putem direktnog sporazuma (Privremeni plan JN za 2021. god: Usluge vremenskog zakupa računala/printera – usluge 9, JRJN 72311300-1), broj: 04-1-8-8-1/21 od 16.02.2021. godine i Ponude firme “Vegos” d.o.o. Sarajevo broj 026/21 od 16.02.2021. godine, evidentirana kod ugovornog organa pod brojem: 04-1-8-8-3/21 od 17.02.2021. godine, koje su sastavni dio ovog ugovora.

#### **Član 2.**

Usluga vremenskog zakupa računala/printera obuhvata iznajmljivanje printera tehničkih specifikacija: Tehnologija – kolor laser, Funkcije – Copy/Print/Scan, Format – A3, A4, Duplex – standard 2 ladice za pohranu papira+bypass, Brzina – min. 20 str/min, Dodaci – Ethernet, HDD, mogućnost autentikacije putem PIN kodova, te crno-bijeli i color ispisi A4 na istom.

#### **Član 3.**

Mjesto izvršenja usluge vremenskog zakupa printera je u sjedištu Izvršioca usluga u ul. Patriotske lige broj 30/I, Sarajevo.  
Ugovor traje do 31.12.2021.godine.

#### **Član 4.**

Ukupna cijena za predmetne usluge na godišnjem nivou za 2021. godinu iznosi do 2.125,00 KM bez PDV i utvrđena je na bazi ponude iz člana 1. ovog ugovora.  
Jedinična cijena je fiksna. Plaćanje se vrši na osnovu mjesečno ispostavljenih računa/faktura uz prilog: izdati nalozi za printanje i očitavanje s brojčanika printera. Plaćanje najkasnije u roku od 30 dana od dana ispostavljanja fakture.

#### **Član 5.**

Izvršilac usluga se obavezuje da će usluge navedene u članu 2. ovog ugovora obavljati savjesno, stručno i kvalitetno, u skladu sa zahtjevima Naručioca usluga, odredbama ovog ugovora, te zakonskim propisima i pravilima struke. U slučaju neadekvatnog obavljanja ugovorenih usluga od strane osoblja Izvršioca usluga, Naručilac usluge ima pravo zatražiti drugu osobu na tim poslovima, a Izvršilac usluge se obavezuje tom zahtjevu odmah udovoljiti.

#### Član 6.

Ugovorne strane mogu sporazumno otkazati ovaj ugovor, a svaka ugovorna strana može jednostrano otkazati ovaj ugovor uz otkazni rok od 30 dana od dana primitka otkaza.

Otkaz se daje u pisanom obliku i predaje se drugoj strani neposredno uz potpis ili poštom preporučeno.

U slučaju jednostranog otkaza, Izvršilac usluge ima pravo naplatiti obavljene u toku vremenskog zakupa printera do dana isteka otkaznog roka.

#### Član 7.

Za sve što nije regulisano ovim ugovorom, primjenjivat će se odgovarajuće odredbe Zakona o obligacionim odnosima, a eventualni sporovi rješavat će se sporazumno.

Ukoliko sporazumno rješenje nije moguće, nadležan je sud u Sarajevu.

#### Član 8.

Sve eventualne izmjene i dopune ovog ugovora, ugovorne strane će dogovarati, uz obaveznu pismenu saglasnost ugovornih strana.

#### Član 9.

Dobavljač nema pravo zapošljavati, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

#### Član 10.

Ugovorne strane prihvaćaju prava i obaveze iz ovog ugovora što potvrđuju svojim potpisom.

Sve eventualne sporove po ovom Ugovoru ugovorne strane će rješavati sporazumno, a u protivnom nadležan je Sud u Sarajevu.


#### Član 11.

Ovaj ugovor je sačinjen u četiri (4) istovjetna primjerka, od kojih svaka ugovorna strana zadržava po dva (2) primjerka.

**NARUČILAC USLUGA**  
Građevinski fakultet u Sarajevu

DEKAN

Prof.dr.Samir Dolarević, dipl.ing.građ



**IZVRŠILAC USLUGA**  
"Vegos" d.o.o. Sarajevo

Direktor

Goran Selimović, ing.građ.



Broj:04-1-8-8-6/21  
Sarajevo,18.02.2021.god.

Broj: 032/21  
Sarajevo, 18-02-2021